

Le prose in piemontese  
di  
*Valter Agostini*

Cite conte folëtte

JË SQUADRON

«Tuti sl'aaa...tenti!» Èl cap-ësquadron a l'era motobin enèrgich e lë squadron – mes da na part e mes da l'àutra dla carzà – a scatava. «E m'arcomando, iv bogereve quand che mi, mach mi, iv darai l'arpòs!». E gnun bogiava.

Ma ij cap-ësquadron, dòp tuta na carriera, ëd sòlit a j'ero già vej e a capitava tròpe vòlte che a caschèisso an tèra për un colp al cheur. E lë squadron a seguitava a sté sl'attenti. E 'l cap-ësquadron («mi, mach mi!») sla carzà, bele mòrt.

E a vnisio a pijelo. E për rispét dël mòrt, gnun a dasia l'arpòs.

Pian pian, tuti as dësmendavo dlë squadron. E lor, an pe, sempre an pe, sl'attenti. E 'l vent e la pieuva, pòch a pòch, a-j rusiavo tut d'antorn, a-j suliavo, a-j èscursavo, pòch a pòch...

... Quand ch'a l'han asfaltà la stra, minca tant a trovavo 'n sij bòrd ste forme bin turnie, àute dontrè branche. E a son rivà ij técnich, peui ij diretor, peui jë studios d'archeologia, peui ij surintendent. Ma 'l

Brevi storie follette

LO SQUADRONE

*«Tutti sull'attenti!». Il caposquadrone era molto energico e lo squadrone - mezzo da una parte e mezzo dall'altra della carreggiata - scattava. «E mi raccomando, muovetevi quando io, solo io, vi darò il riposo!». E nessuno si muoveva.*

*Ma i capisquadrone, dopo tutta una carriera, di solito erano già vecchi e capitava troppe volte che cascassero a terra per un colpo al cuore. E lo squadrone continuava a stare sull'attenti. E il caposquadrone («Io, solo io!») sulla carreggiata, belle che morto.*

*E andarono a prenderlo. E per rispetto del morto, nessuno dava il riposo.*

*Piano piano tutti si dimenticarono dello squadrone. E loro, in piedi, sempre in piedi, sull'attenti. E il vento e la pioggia, poco a poco, scavavano tutto attorno, lasciavano, scorticavano, poco a poco...*

*... Quando hanno asfaltato la strada, ogni tanto trovavano sui bordi queste forme ben tornite, alte qualche spanna. E sono arrivati i tecnici, poi i direttori, poi gli studiosi di archeologia, poi i sovrintendenti.*

misteri a l'era gröss. Fintant ch'a l'han capì, ëd colp: «Grand ingegné, nòstri cé, grand ingegné!». La dëscuerta a l'era 'mportanta, a l'era na lesson ëd la Stòria: j'antich a-j mostravo ancor a coj d'ancheuj. Con umiltà, as tratava peui mach ëd completé l'euvra dij cé.

A son butasse a fé ij progét: a l'han copià, tal e qual. A l'han giontajne fin ch'a bastava, ëd pera. E a son sautà fòra le longhe file 'd paracher.

*Ma il mistero era grosso. Fintanto che hanno capito, di colpo. «Grandi ingegneri, i nostri avi, grandi ingegneri!». La scoperta era importante, era una lezione di Storia: gli antichi insegnavano ancora a quelli di oggi. Con umiltà, si trattava poi solo di completare l'opera degli avi.*

*Si sono messi a fare i progetti: l'hanno copiato tale e quale. Gli hanno aggiunto pietra fino a quanto bastava. E sono saltati fuori le lunghe file dei paracarri.*